

芸香堂詩集



詩集

芸香堂

芸香堂詩集卷之下

英額和 琳希齋著

題袁簡齋小倉山房詩集二首即以奉寄

不信紅塵裏神仙攜眷居曠觀百歲事大隱六朝墟先生

三十三歲即致仕居天女多從學女弟子極多梅花伴讀書

白下隨園山水最佳世間饒熟客應亦薄金魚

數卷倉山集先生道性靈錦心羅萬象妙手運無形侯

合依前席彭應侍後庭因緣知有日天不墮文星先生登

大耋康健
不減少壯

夜雨不寐

鈴轅淒杳聲風雨越分明燭短雞三唱衾寒夢數驚未
曾消夜飲底事動鄉情回憶長安路潺湲記不清

送春

兩雨風風春又闌壯心消釋訝無端頻年綠暗鳴騶過
予七八年來春夏之交總出差在外此地紅稀按劍看適方何事東君先
稅駕不容客子共歸鞍殷勤囑咐閒桃李謾道軍中仗

一韓

四月二十四日祝瑤圃制軍壽

黃梅時節共淹留借得瓊漿酌壽籌去佛生辰剛半月

溯唐事業已千秋公扶乩判公前身為唐時駙馬邊陲風帶春無恙歲中

風寒真首夏猶清和也富貴花如客好速公寓壯壯試向崑崙直北

望仙姝齊簇玉京樓

金符昔綰護西邊艷有真人誦大年公前鎮守伊犁誼日羣仙降壇聯句

如柏如松天不老知非知命月常圓思親未免鄉心熾

公時刻不稱壽休幸友誼綿明歲桂叢堂上客樞衣應忘太夫人

許厠華筵桂叢公家堂名

端陽前送補山相國回川

半載他鄉足友于，匆匆又見賦驪駒。縱憑尺素青鸞杳，
欲寫相思紅豆無。今日一杯澆短漏，明朝雙旆首長途。
臨歧漫作分離感，留取箴規記紺珠。

不事邊功崇宋璟，寧希投筆效班生。風調雨順徵佳兆，

大兵後歲中
時和年豐

犬吠雞鳴鮮惡聲

劉琨祖逖同行聞雞
鳴逖曰此非惡聲也祖

帳中流當夏午過賓西蜀計秋成也。知暫別無多日，偏
捧霞觴說餞行。

萬里山川雪正消，此回不憚路迢迢。風吹節相旌旗轉，
花助登仙士馬驕。慣送行人如岸柳，拋將別緒付詩瓢。

更期劉晏紆籌畫，早發蓉城共入朝。

癸丑午日

西南夷久通聲教，地臘時仍滯使槎。客裏何妨闕艾葉，
蠻中應不產萱花。碉樓小雨風猶勁，角黍晨餐味亦嘉。
記否江鄉看競渡，暗拋紅豆是誰家。

答瑤圃制軍別後見寄元韻

燈暗穹廬百感并，頻傾濁酒訂深盟。忍收別淚心先醉，

剛放顰眉夜又明。

是日深夜
談一夜

風定野攢哀角起，雨餘山遣

嫩寒生。須知病為離愁作，鐵石人禁月幾更。

瑤圃次日
早行于因

病未能
遠送

瑤圃書問客况詩以奉答兼述寄懷

幾番白楮賦驪駒
目斷登仙馬載途
鎮日山風送淒雨
一燈孤影坐屠蘇

遙想歸旌遶亂山
山容新沐簇烟鬟
行人雲際鬚眉露
恍駕鸞駝拾翠還

啣書青鳥影相望
慰我相思墨數行
欲識近來岑寂况
為君欣染兔毫霜

鈴轅晝永足張羅
書卷盈牀讀又過
野馬穿牕天色暝

不妨聊遣醉顏酡

禁酒已二年
到此復開

夜氣纔舒曉漸融
雨餘盛夏訝秋風
宦途饒得山居意

一卷心經寫易終

閒中解識靜中緣
煩惱消除即洞仙
半畝小園圍萬綠

夕陽初下鳥談禪

予寓中有樹早
晚鳥鳴頗佳

山雲初起電光斜
山雨欲來風氣加
一霎小樓雲雨過

最高峰上落梅花

雨後山
頂有雪

煞好光陰駒隙過
遐荒肯放志蹉跎
茶香酒味攤書趣

與古為徒樂事多

即事

鳥聲斷續樹扶疎政簡焚香讀道書試問閣黎齋誦佛
可能官裏得真如

几設文房閣架經遲遲駒隙度牖櫺山花芳艷無名字
自擇青紅貯膽瓶

晚眺

雨過山呈色風來樹弄聲憑闌東北望惟有暮烟橫

西招中秋

秋空雲斂玉蟾懸塞上今宵倍可憐分得辦香深拜月

藏將斗酒待留仙

邀幕僚
玩月

山容寂寞偏宜雪

四山早
有積雪沙

色虛明不辨烟乙夜氣寒驚坐久嫦娥休笑醉貪眠

聞瑤圃左調山東撫軍奉寄二首

記從白楮餞歸旌相約歡逢過錦城時倚小樓覘鳳影

昨馳一騎震鸞聲班超幸遂瞻

天願

已有
之旨尚無期

內召張詠權資鎮蜀名

敬齋相公舊曾
督川今再至

我暫不虛東道主

歲中全賴
蜀中借貸

與公何日話平生

東坡夙有惠山緣公在山東想亦然

瑤圃曾
撫山東

護室正虞

秦隴峻

公太夫人虞遠
不肯就養四川

聖心已念魯齊便令威此去如乘鶴劉寵將行漫受錢
安奉板輿欣祿養蓬萊雖近勝求仙

夢中歸過丹達之作

登山不見山俛視列平地萬峰攢蓮花漏洩千載秘天
風飄旌旗衣帶濕空翠

十四夜望月

雪峰四面轟青天中間無物騰白烟不知世界有三千
但見一輪空中懸問佛無語仙無緣廣寒寂寞年復年
滿浮三卮醉欲眠明宵醒眼覩婵娟

月夜不寐寄懷敬齋相國

分明一樣月塞上可憐宵凍燭侵尋燼淒更斷續敲相
思人萬里覓醉酒三澆孤枕不成夢趾離何處招
欲畫相思寄無形落筆難情腸鳴白紵心事付烏闌別
又經新歲春應續舊歡君平猶賣卜曾否一占看

答瑤圃惠制軍泛舟見懷元韻

秋水明於鏡秋容淡似波公餘尋勝蹟心曠足高歌紅
輦無由踐黑甜自覺多感君懷旅客情不隔山河

甲寅初春偶成

春到西邊信較遲
驚沙淡日鬪風姨
暗香月夜思遊地
嫩綠烟隄記此時
自煖濁醪酬塞火
喜憑清夢認京師
御溝冰畔朝曦麗
生意融融到

玉墀

剩有

剩有觀書趣
開簾日又斜
寒林容噪雀
返照送歸鴉
政簡三餐愧
親遙百感加
從知班定遠
不待老思家

西招四時吟

莫訝春來後
寒威倍勝前
小牕欣日色
大漠渺人烟
風

怒沙能語山危雪
弄權畧應桃柳意
塞上怯爭妍
歲中入春

風雪轉威

山陽四五月嫩綠
漸生生草老剛盈
寸花稀不識名開

牕紋扇廢挾續紵
羅輕
歲中極煖只須棉衣
樹有濃陰

處都翻絃索聲
歲中樹木本稀蠻家婦女無
論貴賤多於樹陰連臂踏歌

南山看霧起雷為
雨吹噓
註見
淡淡秋無迹
淙淙夜不

虛
所喜雨多在夜
池塘堪浴佛
達賴喇嘛於七月下
稞麥漸倉

儲
八月收穫後
更喜羊脂厚
厨供大嚼初
羊惟此時方肥餘時無油

木炭供來日
例係江達外委
陂塘半涸
水草枯歸牧馬

側係羊八井放
寒重斂飛蠅
歲中蒼蠅極多
沙清衣多

馬此時回營
垢街土上衣即垢似有油狀緣男女溺便隨處
山童雪

不凝冬日反
客遊閒戲筆真個悟三乘

偶吟

衙報晨昏欣鳥語
早暮雀噪
日來鼓吹驗僧聲
藏香譜

不失常時
繒閒羅致歸恐人嗤囊橐輕

春夜

銀缸閃閃漏迢迢
風送邊聲助寂寥
殘月印牕天似曉

寒雞叫月夢偏遙
頻年客况當春甚
一味鄉心易鬢彫

莫以沐猴譏項氏
夜行衣錦笑班超

閒吟

鎖鑰西門年復年
春深閉戶手韋編
三卮破酉非無意

恰喜此間無杜鵑

小飲偶成

摒擋公事片時中
二六光陰惜轉蓬
攤飯妄傳為秘訣

澆書誰道得閒功
蛙穿鳳尾音終濕
予最好音而全不能
食遍神

仙宇未通向夕
一樽慚惡客
瓶花無語蠟燈紅

詠新柳

放眼看舒眉半月中此情全不領春風如何送盡西征客
滯我驪駒首未東

曲水渡河宿巴則

左山右臨河人力開纖路平地不方軌巖南咽喉固道
此十五里洪波梗千步鎖橋曳半空魚貫蹠躩渡懦夫
數十守萬衆徒駭顧拙哉唐古忒奇險歷無戍雖有一
營官戶少非人慕我來二載餘設施慚未具所恃

聖天子太平應無怖

過巴則山宿白地次日至浪噶子沿海行

山高三十里三盤始到巔人喘揮雨汗馬疲折籐鞭無
樹遮炎炙有風吹衣穿後山積年雪海氣為之宣蹭蹬
下山足心放身有權森森目無極天水相澄鮮柴窟陶
器貴其色想當然里言周海岸馬行四十天憶昔我赴
援窮日沿西邊今際清平日緩程恣流連

帝力誠大矣番氓耕鑿田寇公雖暫借樂意賡歌焉

旅夜

山遠天無際當空月半規馬鳴行帳靜人醉夜風窺久
客頻搔首閒情轉放眉翻愁清夢錯錯夢在家時

春堆却寄太菴

春堆風冷訝深秋
笑我無端遠宦遊
剩有泉聲喧毳幕
却無人跡倚危樓
客途藉酒偏難醉
詩思憑郵不暫留
聊託蜀箋相慰問
未能心事話從頭

江攷寓中對月

蠻樓四面像迴廊
規月當中一丈方
記得江南天井制
花香鳥語水橫塘

札什倫布公寓遠望

塔鈴風動韻東丁
一派天機靜室生
山吐濕雲癡作雨

水吞活石怒為聲

對兩有感時北五
省少兩

能使峰嵐勢不分化
工權合讓陰雲平
添千澗波濤吼
靜掃十洲疫癘氛
中土麥秋澤未降
邊庭仲夏隴初耘
遠臣私向天曹祝
畿輔先霑慰

大君

不寐

夢到綢繆恰醒時
淒更殘月入羅幃
睡情又被鐘敲斷
悔不多傾酒一卮

晚眺

山暝蒼紫變勢如秦長城火雲乍隱顯疑是野燒生道
路尚了了疎星一二明梵樓列燈火歸鴉相和鳴居高
窺世界信易得下情胡為臨民者終日醉宿醒

江孜歸次却寄太菴

古人言別動言秋信是秋容慘客遊况我重裘不畏夏
知君望遠日登樓官無事累歸應早佛有情緣意自留
端的牡丹約未爽何須屢問大刀頭

喜雨

神人呼吸信能通敢說文章感召功致早有因嗤象教

自連續以下皆謂不雨係禁止人好生為德仰蒼穹地
此則吸騰火之故誠不值一嘆

蒸濕氣猶含兩山斂車雲自蔽風誌喜小樓聯半就是

誰先我走詩筒

旅館獨酌

督護乘邊署雀羅睡魔繞遣又詩魔談經佛國慚絲染
運甕軍門恥佞囚顧影聖賢相問答逢場風雨任吟哦
三年解識

君恩重旅夢還容響玉珂

答太菴夜雨屋漏呼童岸水元韻

承塵夜半湧飛泉頃刻凌波步水仙旌節暫為勾漏令
土泥難補女媧天榻間似放支祈入屋上誰將息壤遷
我笑阿兄睜困眼強拈詩說野狐禪

某以籌辦軍糈來歲事定隨留鎮撫見川民運餉
者流落不能旋里捐貲撥兵護送啟行其有生計
聽留外三次共得二百人因詩以誌焉

櫓槍掃後藏羌叟耀西招轉輸乏流馬丁壯陟宮堯老
謀趙充國不戰降虜公六軍振旅還百歲塵氛消可憐

役夫衆歸路嗟迢遙雪峰七十二鬪日寒威驕人可萬
里步腹難終日朽家鄉忍棄置乞食度昏朝誰無父母
望誰無妻子嬌去帷彈別調疑死懸靈旒凡此無告苦
司民中心焦大烹有餘養分俸匪名要計程統限緩量
口授食饒玉關囑生入鬼方毋塗膏黔首咸感泣塞風
聲蕭蕭心慰良用嘒賡詩白吏察

賞心十詠

射得身字

書垂無逸戒執射勗閒身地僻交多厚

謂太菴

弓柔技易

神綠楊時落葉俗以中紅心為中羊眼應是楊葉蒼隼不驚人觀德還

爭飲都忘揖讓頻

奕得先字

鬼陣非吾好逢場亦偶然無心爭勝負隨手得偏全戲具纔方面機謀啟寸田奕秋休笑我終局是誰先

讀得通字

晝永防攤飯甘為食字蟲略觀求意解時習異心通不道居官長翻成入學童牙籤珠玉潤忘象仕優中

吟得高字

邊塞饒風景閒情亦雅騷拈鬚時對月分韻偶題糕興致適相會推敲却憚勞所欣抒意趣和者任彌高

書得心字

攜有黃庭局同軸道書也晴牕試一臨希王教子法羲之觀

字每於後奪其筆不師柳事君心上問書法於公權對曰心正則筆正爭

似香留褥偏宜墨染襟况居般若地般若知音余每摹寫

心經故及

飲得歡字

適性怡情物功同玉液丹回春寧待臘澆腹勝加餐朝

博花神笑宵增月姊歡流連防耳熱恰到半醺難

歌得諧字

三百篇風旨村謳自寫懷不聞宮羽譜始與管絃諧清
客休彈指佳人妄擊釵會真詞句改誰為証音乖

談得清字

未逢知己友反舌訝無聲傾蓋同人後高談一座清百
家爭品秩三教辨縱橫轉笑昌黎叟緣何語不平

靜得為字

孟子求心放丹經教意為性命圭旨有守真傳秘密習

靜種根基脈住綿綿際光舍焰焰時箇中消息好難語

不知知

睡得甜字

動極思維靜低幃旒枕恬蟲飛猶入夢日午不驚籤齊高

帝每睡令人梅帳酣黃熟鴛衾繞黑甜旅人三昧在胡

蝶自窺簾

遣懷即事五律十首

以燈花何太喜酒
緣正相親為韻

考最要荒外年來悟琢冰讓仁誰變俗問道我模稜心

悔常崇佛筮占近得朋清談恒入夜堆淚驗饞燈

岡洞嗚嗚發邊聲抵暮笳才慚王粲賦醉學阮宣家冷
署閒敲句明牕試畫沙似應忘結習底事笑拈花

一劍乘邊障連年受佛呵壯心依北斗表字號東坡憶

昔聞三藏於今恰二何

何充何準俱信佛法今太菴與予名又皆和字故借用

可

知班定遠鈴閣也張羅

叔子鎮襄陽輕裘寬博帶風流事可師肉食人何會未

悟超三乘敢云借四大所欣吏隱兼政簡毋嫌太

閒消一局碁敗北心良喜如作賦三都暫拋家萬里呼

茶却酪奴酣酒扶燈婢宦境足逍遙忘形真知己

不畏日當天飄巾風入牖小樓半架書深院多栽柳時

約素心人共傾無事酒誰道令公貧饕餮充二九

瓶浸野花紅牕含濃蔭綠阿香挾雨飛杜宇啼愁續一

夢夜常驚六塵身獨觸莊周蝴蝶緣未必非燕玉

妻妾薄徐公不如朝對鏡青春日日遙白髮星星迸身

後縱流芳眼前隨嘯咏穿柳放心收法猶持筆正

術遜孫思邈龍宮授藥方蠻疆驅疫鬼番女變梅妝紅

友清樽引青虹寶匣藏籌邊頻問鏡齒髮細端相

盛夏成春服青奴免貼身卧聽微雨過起看亂山新有

景容詩道無愁藉酒親牆陰一派綠近接我芳隣

聞某攝杭州將軍篆

不到西湖枉此生記曾丙午駐雙旌八年夢想坡公蹟
一半勾留白傅情洛浦賦空傳子建銀河槎再問君平
水仙王雅風光麗寄語將軍少出城

答太菴大暑節後得食王瓜茄子喜賦元韻

工布粳米易窮御乾肉糝粳無勞箸官厨大有饕餮資
謾道血飲毛鱓如予今齒豁頭半童胷踏軍夫不解熊
饕餮非自鄙肉食羔豚雖精遜晚菘冷暑過從忘主客

酒秤一經浮三白中原肴饌紛橫陳豪來不覺天地窄
更欣黃瓜與紫瓜雞汁煨瓜蒜和茄紅塵一騎帕克里
強於西域得佛牙衛藏原田何每每土瘠水寒種易餒
嘗從巴蜀驛致之到此空嗟色香改君不見太菴宗伯
喜不勝吟詩大嚼挑銀燈瓜茄有靈幸知己寧遇惡客
毋逢僧

答太菴七夕遣懷元韻

正苦孟秋連夜雨欣逢七夕一宵晴姮娥代速天孫駕
淨掃閒雲放月生

不聞乞巧上危碣
旅夢驚回曉月橋
世上一年天一日
紅塵歡會轉寥寥

邊風颯颯雨淒淒
萬笏朝天玉笋齊
人到列星分野外
女牛仍隔影東西

一年一度慶靈辰
認妄為真妄即真
守拙有功新賣巧
不須絲孔透金針

宦蹟年來類鉢瓶
喜無封事譜碁經
兒童恁指黃姑宿
我向寰中認使星

答太菴達賴喇嘛浴於羅卜嶺往候起居元韻

渾水方池響急湍
此中離垢大疑團
臧孫居蔡違其性
惠子觀魚悟所歡
可有留丹艷白石
阿誰窺浴倚朱欄
知公未必思垂釣
直是懷歸賦竹竿

中秋無月

最好中秋月邊山
不耐看塞雲真解事
屏過水晶盤排
悶歌蠻女觀風採
稗官太菴擊節
譜其官商辨香深拜罷
把酒望長安

食桃偶成

邊山八月訝秋高
珍重番官獻熟桃
千里傳柑仙有術

此桃來自
歲南部落
三年忘味首頻搔
頰融酸液防牙軟
人動歸
心致夢勞不是元都蘭
若樹劉郎諷詠任揮毫

甲寅冬仲余奉

詔東旋留別太菴四律聊作驪歌一闕耳

山川滿目塞雲飛
充國籌邊

內召歸敢謂變夷矜
已力差能宣化仰

天威蠻疆小試慚
經濟政績初成任是非
我愛番情容
利誘攀轅男女解依依

梵韻羌謳聽乍終
河梁行李又匆匆
山程日暖冬稀雪

毳幕宵寒路避風
大有同人懷別恨
都將友誼入詩筒
展箋不忍迴環讀
恐觸私情忘却公

半載追隨互見招
深談不惜坐通宵
燈明客館杯浮蟻
月轉碉樓句入瓢
治歲有經煩手纂
理川無策代梅調
重勞小隊旗亭餞
一派離情繫柳條

驪歌一闕燭光寒
赴

關心歡戀友酸怕
說歧途便分手
惟憐絕域滯同官
勝常一紙託鱗羽
惜別千言益飲餐
他日

春明門外遇柳絲
齊拂兩人冠

聞敬齋相國蒞川寄賀

戰袍纔解又分符一道蒼生付上樞諸葛入川崇教化
汾陽在外預訂謨笑攀舊植甘棠樹閒拾新還合浦珠
聞道琴書隨八座蓮花幕下止監奴

草堂門接水鄰鄰二相公餘迭主賓頻倒金樽花笑客
醉揮玉麈鳥窺人相思兩地逢長夏寤寐三生憶昨春
最是靈犀無間阻每隨意馬傍清塵

平泉舊館峙東廂一度思量一斷腸此日僅傳交甫珮
何時重接令君香棋敲花落知官味酒戰燈昏覓醉鄉

昨日夢差宜祿至累金終日喜過廊

誰遣途遙面不通策勳應錄趾離功聯情但倚遊仙枕
稅駕須乘列子風月魄流光春酒暖花枝照眼爍燈紅
知君念我還如我彼此歡逢旅夢中

夜雨

空階滴夜雨乾葉鳴西風斷續漏聲永短長雞唱同小
牕紙漸白殘燼燈猶紅客子蘧然覺如守三尸蟲

口占

無人調護自扶持久客初將客况知但得防風如避盜

不須嘗藥更求醫

然巴途次

插天石壁峭二十里蠶叢澗水連漪碧山花躑躅紅似
經西蜀北忽憶大江東嗟我身都歷妍媸會箇中

巴塘途次

行近巴塘部欣看春已回原由抽早麥桃柳吐新荻山
漸成平遠河翻作怒厖江南風景好只是少塵埃

魚通頭道水瀑布洵為奇觀壬子春緣有廓藩之
警匆匆未暇流連今

內名遄歸再經勝地瞬息三年爰題二律

瀑泉千古說廬台此地平分一脈來絕頂雲居懸匹練
萬年日月走奔雷罡風有力吹難斷犀角無權畫不開
逝者如斯三載別山靈應識故吾回

銀河曲湧萬峰頭化作長虹下飲流勢撼玉龍三百窟
氣爭金母九天秋虛聲莫謾驚人也實際還能潤物不
非我浪邀傳姓字摩崖聊以記曾遊

江達寄太菴

臨岐珍重語初值塞寒新家計休縈慮

國恩勉致身祇因歡會慣乍覺別離辛他日蓉城畔為
公拂路塵

邛州途次聞逆苗擾及秀山隨即帶兵往剿自破
晏農苗匪軍威日震欣喜之餘因而成詠

萬里歸來日風光恰小春桃腮嬌夜雨柳眼覩行人未
遂瞻依願適興侮慢塵秀山今秉鉞逆命詎三旬

自敬齋相國剿通松桃後合兵一路詩以誌慰

安邊返旆又論兵虎帳欣隨大將旌日贊軍機威八面
夜談心曲話三生古人信有陽春脚今我翻承醜類情

佛說因緣緣自在辦香從此重金經

輓宣勇公四首

李奉翰

星隕翻疑信未真乘箕遽爾了前因
名昭廊廟光青史功著邊陲埒古人
叔度汪洋徒想像庾公詠嘯倍清新
回思折柳長河畔永別而今最愴神

杜老南池太白樓頻年花下駐鳴騶
當筵明月題歌扇

滿座春風送酒籌萍水合離剛四載
自戊申至辛亥巡東四年蘭盟

意氣足千秋可憐浣筆聯吟處一讀
羊碑一淚流

檢點河梁唱和詩龍門雙鯉寄相思
公奉使至潼關作詩寄懷凡舊時賓

從無不道念也從容挾藻班侯筆慷慨談兵丞相祠
征廓爾喀過武侯廟

題詩碣豎南荒星作字書來東旬月為期每月必得公書即今
見寄
春草池塘夢每夜縈依大將旗

衛戡揚威振旆旋蜀江楚水靖蠻烟苗疆制勝籌三略
麟閣書勲紀四賢瘴雨千軍悲故帥秋風五丈痛歸仙
褒榮曠典酬前烈耿耿忠魂應在天

輓宣勇公四首

龔孫枝

一從節鉞寄征蠻楚蜀颺移指顧間揮手直同除草蔓
許身早擬重邱山瑀戈誓掃欃槍落丹旆驚先露布還
國寶淪光良璧碎摧號慘動

紫宸班

遂把肩擔社稷憂縛雞文弱本儒流登壇並服周公瑾

插架誰窺李鄴侯圭錫塗山勞八載公自戊申至今接膺大任並皆宣勞

於祠崇錦水報千秋人生志業輝煌盡那要霜華點黑

頭

奉手襄城願已恢情深永隔倍堪哀莊嚴百寶才人座
冷落黃雲大將臺澤蕙萎餘香習習天星墮處白皚皚

八月晦前一日漏下二鼓屋
西南星隕如斗未幾訃至
翠衣玉劍清江口前夜猶

經入夢來

劇飲狂歌歲不虛文章投分水於魚銘鐘勒治功偏偉
彌旼赤獨對西風洒報書
去夏手札相聞既知予官罷無歸欲贈買山之資兼以郵第別墅將成囑為書榜題額 可堪老淚

輓宣勇公二首

何啟贊

軍功立等告

楓宸豈料今多失望人美處不妨天與缺夢回猶異信
非真宗公偏洒英雄淚諸葛中殂將相身意外忽驚星
驟落哭聲一路遍官民

驚人快事話生前坦視崎嶇猛著鞭藏地久留身伴佛

苗疆深入數通天

公數六壬

萬難世務能旋轉最上官名

穩敘遷

公在軍營蒙晉官保封伯爵

賜三眼花翎賞穿黃褂

悵望玉

門增腕惜同歸尚有福王賢

奉

敬齋郡王

特旨命與福同日進城

輓宣勇公

有序

袁枚

枚與公素無一面而兩次書來云先生

盛世奇才久思立雪軍中帶得小倉山房全集朝夕

諷咏虔等梵經又寄懷云相逢知有日天不墜文

星嗚呼文星未墜將星先墜矣八十衰年非常知

已而終不獲修士相見禮其能無腸若涓湯揮毫
一慟耶

伯爵才封

賜紫韉忽聞三楚喪元良祭遵儒將人都愛鄧禹英年
事正長不待兩階舞干羽竟將一死報

君王

聖心正是焦勞際又灑

堯天淚幾行

刻意憐才孰與同小倉詩當梵經供久思立雪言何重

未畫凌烟帳已空萬里孤臣邊瘴外三生知己夢魂中
癡心想借金靈馬追到泉臺一見公

再展 宣勇公手札淒然有作

焚香再讀八行書老淚盈傾眼欲枯議論儼然王者佐

胸襟肯受宋儒拘

札云宋儒之為道拘猶士大夫之為位拘也

因文識我真

奇士為

國亡身古丈夫底事三賢同歲去不憐一叟寸心孤

札云

讀先生之詩知先生之為人故有第五句

未曾一面早心開偏在雲霄憶草萊忘却通侯為上將

屢誇

聖世有奇才身騎箕宿天邊去魂逐倉山集上來此日
三湖連九塞金風鐵雨有餘哀

輓宣勇公四首

張星煒

上公持節下岷沱跋險征苗誓枕戈壁壘一新鋒特起
簡書三捷盾頻磨轉輸巴蜀無傳檄綏撫蠻荆有愷歌
盡瘁鞠躬臣節見大名諸葛在山河

敦詩說禮寄蕃宣儒將風流獨凜然壯志不辭披露甲
雅歌多寫浣花箋一家伯仲為伊呂萬里馳驅有歲年

懋賞已超麟閣上金貂濟美更翩翩

旗鼓安閒足運籌庸材末質亦兼收常寬禮數嚴公墓
每與邊防李相樓况復郎君啟東閣那禁華屋感西州
却慚一介風塵吏下馬碑前淚暗流

甲馬西來昨護行軍中韓范共知名

九重恩禮光樽俎一路威靈壯旆旌新息豈真思下澤
夏侯原自有佳城叨榮舉主非常格不盡臨岐萬古情

維

嘉慶元年歲次丙辰九月癸卯朔宜祭之辰湖南
布政使鄭源璣按察使清安泰署按察使鹽法長
寶道達明阿糧儲道吳蘭孫銜永郴桂道張映漢
岳常澧道余延良辰永沅靖道成寧前任江西督
糧道陳蘭森候補道劉錫嘏湖南候補道府何夢
蓮候補道府馬維馭候補道府沈廷瑛原任山東
督糧道蔣繼煥前任福建建寧府知府章銓湖南
長沙府知府陳三辰署長沙府知府張翮衡州府

知府李大澤前任衡州府知府田畿署永州府知
府丁雲錦永州府知府巴哈布常德府知府胡文
銓辰州府知府田灝長沙府同知海慶廣西候補
同知陸受豐謹以剛鬣柔毛庶修清酌之儀致祭
於

皇清晉封公爵

宮保伯制府大人之靈曰嗚呼五溪霧塞二酋雲黃
台星掩曜卿月沉光金鏡方震素旒旋揚耆童涕
泗弁紱悲傷維

宮保公制府大人鐵嶺鍾英錦州毓瑞維嶽降神生
而挺異甘茂名孫元方難弟虎氣龍文蔚為國器
年逾弱冠供職冬官榮分視草美擅握蘭金梯歷
級粉署聯班李郅政績早著朝端爰擢南臺風霜
氣肅鐵面稜稜冰心嶽嶽伏豹潛威神羊善觸床
不嫌癡坐何妨獨載馳四牡督運千艘波平竹箭
利比木牛神倉有備紅腐無憂內儲國用外裕邊
籌漕節旋都晉階學士東閣承

恩西班稱

昔敏類楊榮文如曾榮得預機宜隆名莫比

帝簡卿貳乃佐司空條陳十事典制百工為中書選有
宰相風侍郎第一朝議命同衛歲之區民多頑梗
青海霧迷黃燈焰冷

特命重臣來守斯境臨之以莊鎮之以靜有廓爾喀恃
遠不庭敢因胤鬪遂肆鯨吞恭行

天罰修我甲兵前驅直入後路克寧蜀道崎嶇傳聞自
古六纛齊張百廢具舉俗易魚鳧風清豺虎行儉
之才實兼文武雄疆專閫

天子是毗用資啟沃

詔還京師

鸞書甫至龍節將移跳梁小醜忽報三危羽檄紛馳

王赫斯怒

命將徂征咨爾裴度角之犄之曰惟李愬戮力同心毋
俾負固從天而降如山之苞綿綿翼翼屢屢滔滔
免失其窟烏焚其巢錦囊算勝銅柱功高

帝曰俞哉予嘉乃績伯爵褒封

宮銜載錫帶叶黃中韁凝紫色翠羽三花以彰有德

昊天不惠先喪元戎大勲未集淚洒英雄獨當一
面盡瘁鞠躬孤城克復絕徑斯通此日綏邊褒居
鄂右他日經邦績隨絳後鐵券符分金甌名覆親
臣世臣卓然領袖孽萌漸遏大樹連摧壺頭月慘
峴首雲霾

九重墮淚萬姓啣哀上公

追贈榮及泉臺迴憶孟秋翩翩公子欽奉

恩綸前來省視曾幾何時遽騎箕尾豈不懷歸啜其泣
矣壽等心殷捧轂願切執鞭望崇北斗跡繫南天

方思附驥忍聽啼鴉柳營閒若萬里凄然薦彼溪
毛酌茲鬱鬱敬迓

雲旗重依

玉帳初奏誄詞續聞凱唱來格來歆

靈如在上尚

饗

維

嘉慶元年歲次丙辰十有二月朔壬申越初八日
已卯宜祭之辰軍機處行走翰林院侍讀學士戴

衢亨鴻臚寺少卿吳熊光禮科給事中馮培福建
道御史托津貴州道御史汪日章浙江道御史管
世銘江西道御史盛惇崇山西道御史章煦兵部
郎中德綸刑部郎中裘行簡工部郎中沈琨戶部
員外郎員承寧理藩院員外郎湛露吏部員外郎
程振甲戶部員外郎錢楷候補員外郎方維甸內
閣侍讀文孚內閣侍讀素納內閣侍讀鮑勳茂戶
部主事費錫章內閣中書玉寧內閣中書圖勒炳
阿內閣中書朱爾松額內閣中書松寧內閣中書

明安泰內閣中書何金內閣中書陳慶槐內閣中
書徐忻內閣中書曹惠華刑部筆帖式景敏理藩
院筆帖式巴克坦布理藩院筆帖式珠拉理藩院
筆帖式德寧額

清酌庶羞致祭於

皇清誥授光祿大夫兵部尚書兼都察院右都御史總
督四川全省軍務兼理糧餉一等宣勇公謚忠壯
和公之靈曰嗚呼雙疊障海八柱承天賢為國寶
乃斬以年南方瘴癘遘患沉綿悲笳互動丹旒惻

然敬惟

上公功德不朽起家臺端蜚聲朝右局幹邁倫

倚畀孔厚直指繡衣望隆台斗粟紅淮海漕轉東南倉
箱億秭臚袖千帆我

公董治比戶款恬驛馳白簡

廷錫銀函晉秩卿班載持使節開府儀同三階九列隴
月西懸岷江南涉按部行邊萬衆咸悅廓喀險遠
巖傲是居爰有狂童奮臂當車
帝乃震怒非種必鋤

命將采入公奉

詔書西番之陬喀木阿里札什祥巖溜筒弱水轉餉宣
勞使軺戾止糗糧芻茭馬騰士喜將才夙裕吏事

聿嫻

天子命公制督兩川劍峰井洛石棧梯連平治險穢坐
鎮重邊銷甲春農成都桑種官屬樂胥三刀吉夢
雪浪火雲肅溫迭用蜀婦巴僮形雅成頌維楚近
地蠢茲有苗蜂屯蟻雜賈黠氓驕移旆南指用靖
氛囂著鞭祖逖投筆班超

公暨郡王並建帥府東西分陝左右設拒陣合
鶴鵝威鯁貌虎方召聯翩臣力師武嗟彼五溪溪
水毒淫如彼渡瀘功成縱擒出師垂捷上將星沉
黃衫淺色英雄淚襟桓桓郡王以死勤事部曲
失聲男女流涕尚賴我

公專閫權寄劍弩斯張槍雷再銳云何不弔壯志
竟乖怕寧木架圻又中台彌留益奮躬瘁同哀彭
亡聚慘鳳落坡頽矧於荆襄尚嚴斥堠跳有怒蛙
門餘困獸墮淚殘碑都督不壽江漢武夫膚功待

奏荆及衡陽遠道扶喪薤歌調苦楚些魂傷弓瘖
霹靂旄返龍驤飄零大樹摧折棟梁吾相驚聞
曰嗟子弟細柳營空叢荆花悴修軫含酸縞衣增
喟報國志同陟岡情異遺章

闕下歸觀天涯

九重震悼百辟咨嗟桓圭晉錫袞德優加

褒忠諭祭用光厥家衡亭等具官幸依樞密吾相陶

甄逮今多日側聽仲篋家聲甚匹相府將門棣華

椒實洵知名顯在歿均榮祁連象冢燕然勒銘巖

廊人望調鼎難并未巢閣鳳終慟原鶴

帝眷重臣析圭儋爵羣識荊州或依庾幕哀附峽猿化

遲遼鶴絮酒柴車

神其昭格尚

饗

維

嘉慶元年歲在丙辰月建戌戌朔日癸卯祭日戊

辰雲貴總督勒保貴州巡撫馮光熊率貴州布政

使賀長庚按察使覺羅尼堪巴圖魯前按察使常

明署按察使張繼辛糧道吳超貴東道周緯護貴

西道程國璽隨營大定府知府孫文煥四川松潘

同知馮克鞏謹以香燭清酒庶饘之儀致祭於

太子太保宣勇公制府和公之靈曰嗚呼羊祜告俎

州民野奠鄧訓云亡士卒劓面晉喪隨武文子增

泣趙隕昌國列邦涕潛况乃受賑出車推轂任專

元凶屢殄大武垂竣煌煌

將星隕五丈原號追望哭去轍爭攀維我

宮保宣勇公制府大人靈鍾河岳氣蘊風雲韋平右

族王謝高門圭璋挺耀帷幄策勛聲敷物聽績簡
宸垣粵自綺齡試可即署恂恂德心汪汪軌度含香
入直嫺習掌故考績冬官百職具舉洎登臺諫身
繡飛霜持節澤國轉漕神倉鬻除利弊夙夜是瘼
軸轡銜尾淮海維揚毗佐功深台司望集卿月升
華迴翔

禁闥屹屹潼關言言雉堞總核方程九章是法逖彼
廓番擾我西陲桓桓虎旅衽席行師萬莢糗糧
公則峙之梯山棧谷路越烏斯饋餼載塗流錢溢

市軍有增竈人無呼癸轉粟蕭何量沙道濟史策
所載方斯蔑矣短簫鏡吹衛藏底寧

公籌善後大猷是經疆區鄂博佛選金瓶止齋步
伐肄武邊庭濟猛以寬御煩以簡迴首請吏呼韓
鄯善彼唐古忒懦風丕變三年政成使車旋返
詔以大空節制西川玉關乍入羽檄宵傳苗民弗率豕
爰三邊王尊叱馭邛崃之山

公整戈鋌颯馳電掣七縱七擒十盪十決奪陣斫
營乘勝窾入自蜀而黔如竹破節兩軍犄角五道

分馳攢鋒成林投鞍為圍百戰百勝地水之師何
梗弗通何堅弗摧後勁前茅右肋左啟超距兩甄
騰驤七萃域困沙中魚遊釜底捷書刺閨

天顏有喜爵班五等棣萼聯芳

宮銜世職黃帶紫韉雀翎三眼疊拜

恩光便蕃

錫賚莫能殫詳溯從夏五躔摧味柳十萬貔貅仗

公隻手白組所囚屢俘戎首肖像凌煙勒勳圭卣

無端小極二豎交侵七日不汗大命旋傾墮焉跼

跼武溪毒淫衝鋒陷陣積疾已深一昨秋初翩翩

詰嗣特奉

恩綸來營省視不及浹旬輒命旋軌何圖永訣曾不彈
指

九重震悼晉爵上公賙賻承含

渥賞優崇陀羅之被世及之封易名予謚

曠典飾終勒保等獲侍節麾頓違啟迪匱車將祖勁風

悽極幅抑失聲迸涕霑臆祇奠桂醑

靈其來格尚

饗

維

嘉慶元年歲次丙辰九月癸卯朔宜祭之辰湖廣
總督畢沅署四川總督福寧湖北巡撫汪新湖南
巡撫姜晟前任安徽巡撫陳用敷謹以剛鬣柔毛
庶饁清酌之儀致祭於

宮保公制府大人之靈曰嗚呼車迴斜谷蕭蕭上將
之壇星隕秋原黯黯中台之座挽湘波而洗甲正
看振箠功成指銅柱以銘勛何意騎箕夢杳悲深

百爾哀動三軍維我

宮保公制府大人間世殊英

熙朝賢佐金貂累葉述祖德則靈運有孫祭戟崇閣論
相門則季方難弟天衢初陟即視草於省闈雲路
游升早握蘭於郎署官稱工部重誇杜甫文章職
隸冬卿不數李鄴政事爰自司空之署上登執法
之臺重以憲司兼持漕節檣烏欲起黃流穩渡夫
千帆倉雀常喧紅腐無虞夫三輔洎轉輸之報最
遂遷擢之有加水銜冠學士之階玉鉉佐平章之

任式彰公望載歷卿班重來建禮之門用貳夏官
之秩蘇許公拜中書之命李侍郎負宰相之才以
視古賢何慙前詰適以釁生衛歲驚聞疆吏之飛
章爰知簡在

宸衷特藉重臣之擘畫傅介子威行大夏雪山留紀績
之碑班定遠功在西陲瀚海認平戎之纛

紫閣圖形而紀美

彤庭沛賞以酬庸遂乃持節巴山建牙蜀道國傳夔子
雙旌煥龍虎之文城是錦官萬戶變魚鳧之俗溥

教養而風清政美濟寬猛而大法小廉方將芾烏
以晨趨忽見欃槍之夜朗因移六纛用靖三苗聯
節相以同心總師干於一體

大廷授鉞不啻右召而左周小醜畏威無異先韓而後
范是以鷓張巨惡既次第以成擒蟻附遊魂亦招
要而納款

宮銜肇錫比肩師傅之尊伯爵

崇封列秩子男之上昨者元戎扶枕軍中留未竟之功
共看

制府秉麾閩外著非常之績雲羅密布不崇朝而
首逆就俘霞旆遙臨未數旬而孤城克復

特予簪纓之耀采翠羽三花非徒車騎之增華紫韁一
色瞬報紅旗之捷詎來丹旄之懸田菴為之罷舂
黎庶同馬泣血壺頭瘴塞空傳倚杖之吟峴首淚
揮惟認勒銘之地佇見訃聞

丹陛

恩逮黃墟將備極乎哀榮定無渝於存歿潞國論平妖
之績式覘袞繡遄頒晉公崇入蔡之勛共仰

絲綸式煥庶渥酬乎懋績即藉慰乎蓋忱沅等忝附鵷
行驚聞鶴化夙深景仰傷心梁木之摧惟祝歸來
用效椒漿之奠弔諸葛而隕英雄之淚况在同時
悼司馬而深婦孺之悲不徒中國載歌薤露用輓
靈輶

神其來歆伏惟尚

饗

維

嘉慶元年歲次丙辰十一月壬寅朔宜祭之辰陝

甘總督宜綿陝西巡撫秦承恩陝甘學政陳萬青
甘肅布政使陞任刑部侍郎陸有仁陝西布政使
倭什布甘肅布政使張朝縉陝西按察使姚學瑛
甘肅按察使廣厚陝西督糧道孫藩護理督糧道
西安府知府吳沂潼商道崇福鳳邠道王文湧漢
興道文霈延榆綏道溫承惠甘肅蘭州道蔡廷衡
甘涼道巴寧阿寧夏道福永平慶道姜開陽護理
鞏秦階道蘭州府知府海昌西寧道鄂雲布安肅
道瑞亨署西安府知府潼關同知朱學濂署蘭州

府知府涼州府知府那縉等謹致祭於

一等宣勇公之靈曰嗚呼望崇節鉞仰柱石之鴻

猷光掩旌旗溯巖疆之福蔭檐帷露冒頻年保障

功高組練霜飛一旦台垣影墜偉略久隆於巴蜀

德澤宏敷威名大著於衡湘軍容丕振慶膚功之

即奏方期績懋麟圖歎重鎮之云亡詎料魂依鶴

駕干城倚賴敷歷忘勞史冊輝煌臚言可據恭惟

一等宣勇公簪纓世胄貂珥高門秉性忠勤早趨

承於

紫禁懷才磊落久拜

命於彤墀畫省風清首藉持籌之略版曹春盎爰敷解
阜之仁樹重望於朝端陸忠宣獨能讜諫展嘉謨
於國計斐晉公兼判度支寵特冠於

楓宸勳更隆於柏府繡衣振采網維操六察之權畫戟
揚威風紀肅百寮之度由是榮膺

錫命特簡巡方氣肅烏棲督餉遙臨濟北風雄鷓首轉
漕直接江南曾兼喉舌之司朱麾耀日熟悉河渠
之志繡斧生春輶軒共仰夫隆名挽運咸歌夫足

食迨夫逆酋構禍旌節遄征申捷伐於蠻邦奏安
全於佛國

皇仁廣布協善後之機宜

天討宏彰制無前之勅敵化頑梗而歸良善積習捐除
由整頓而慶救寧版圖式廓

天子重封疆之任

眷渥東華邊陲資捍禦之功威臨西蜀錦江萬里

恩膏偕灑瀕同新劍閣千尋勳業與峩眉並峙喜色方
深於霓望祥光復啟於星占何圖釁起苗疆妖氛

不靖師行楚地虎旅前驅謀運鬼神寧慮負隅之
獸機涵天地坐擒遊釜之魚險阻備經勤勞懋著
頻邀

寵錫紫韁增劍珮之輝疊被

恩綸黃帶耀旌幢之色建殊勲而金城奏凱格可七旬
沐

異數而翠羽簪冠榮誇三接從此潢池小醜驚聞風鶴
之軍細柳高風寒破鯨鯢之膽

天威大布士氣彌騰溪洞肅清聽朱鷺銜歌之曲貔貅

擁列展黃龍水陣之圖看露布之飛馳將見崇朝
底定慶雲臺之高建正期奕世常新無何勞瘁備
嘗膏肓貽疚秋風黯淡驚斗極之韜光夜月迷離
訝星垣之掩曜

宸衷震悼深悲英勇無雙臣節昭垂益見忠貞罕匹荷
天家之殊贈爵晉公珪念勲戚以酬庸

恩貽世澤隆崇祀典報功則俎豆千秋銘勒遺勲紀績
則旗常百代宜綿等久欽偉望夙仰宏猷引領台
階未獲迓

靈輶而叩奠敬陳哀誅庶幾邀

爽鑒之來憑尚

饗

維

嘉慶元年歲次丙辰十一月壬寅朔越祭日宜祀

之辰 經筵講官 太子少保 南書房行走東

閣大學士管理禮部事務兼管戶部事務管理稽

查欽奉 上諭事件處年家眷弟董誥謹以辦

香清酌致祭於

皇清誥授光祿大夫 太子太保四川總督晉贈一等

宣勇公忠壯和公之靈曰嗚呼嘉乃丕績

旌勞晉宣勇之封庸建上公肅典肇崇勲之祀以安社

稷為悅簡在

帝心每聽鼓鼙則思昭茲來許用成顯德不擇事之謂

忠所謂大臣允升猷而克壯厥有成績業廣維勤

垂裕後昆

賞延於世人懷遺愛如可贖兮百身位證真靈焉能忍

此終古維

公元精命世間氣鍾靈符寶契於台垣炳英輝於
鼎族趨庭東郡兄弟怡怡齒胄西膠京師灼灼甫
分司於選牒即騰譽於銓門李下無蹊胸中有鏡
星曹遞轉屢吟楊柳之風水部司平合對梅花之
月遷階五正蜚雋望於前行分命六聰權黻班於
少府竹堂栢閣草木知名雲佩虹旌湖山有美備
珍頒於錦院厥篚織文儲方貢於舟卿其利絲枲
秋橫白筆引網咸肅夫班心日直黃門專席仍繩
夫省眼羸儲西潞合伴廣運之潭饒漕南淮迅抵

通流之境濟濟載獲源源而來時乃糗糧用作舟
楫渥承

欽矚氷銜晉綸閣之資疊詠皇華蕩節奉星軹之使任
馳驅於周道華岳三峰省將作於秦州潼關四扇
制規鐵甕志固金城永鞏文碑遂階武部司空正
位豫儲台鼎之材統制兼銜允副戎旃之任時則
巴塘外徼別蚌遐陬地阻蠶叢釁生蝸角戒我師
旅緹幽聯躡夫千盤供其資糧仰食遄申夫七捷
功符流馬雍鴉之餉道相連凱奏歸牛陽布之窮

荒允靖承筐載橐道尊開恩殊厥井疆並其臣僕
振興梵網嚴桀度於奔巴申畫番隅正階銜於戴
琫醜齟和市諸詳善後之條泉布流通特示更新
之制三年報政機宜允協夫

宸謨一道同風

倚昇旋膺夫節任屬蠶苗之弗率督勁旅以長驅淨擣
川河環攻土空埋根合隊偕摧炮木之營飛遞俘
囚進剗麻蘇之寨窠入其阻間道擒生則取於殘
輪期獻馘載離寒暑爰歸一手以經營不遑啟居

益勵三軍而奮迅歲鴻庸於指顧迅鼓霆威扼獲
穴之崎嶇遄馳露布心期盡敵殫蓋忱以弼丕丕
基勇邁無前晉

恩頒而功懋懋賞

宮銜誨序世爵疏封銘勲疊紀於旗常班賚兼優夫
車服祥翎耀采翠翹增三翬之華寶帶加榮黃綬
麗九環之飾竚想紅旗送凱圖麟閣以旌忠豈期
白日韜輝感駒陰而歎逝

楓宸奠醊股肱深柱石之悲 牢棟辛酸手足屢茱萸

之慟巴蜀父老睠懷葛相以招魂荆楚歲時長憶
羊公而墮淚誥追隨班列景仰門功驤首鴻樞齋
心鷺序九原可作宜儕三代之英四方于宣莫副
萬民所望虔申哀悃庶鑒馨聞尚

饗

維

嘉慶元年歲次丙辰冬十一月宜祀之辰刑部尚
書管理戶部三庫正藍旗滿洲都統兼管太僕寺
事務署理江南江西總督提督軍務統轄南河姻

愚兄蘇凌阿兵部侍郎兼都察院右副都御史巡
撫江蘇等處地方提督軍務糧餉費淳江寧布政
使司布政使孫曰秉雲南布政使司署理江蘇布
政使熊枚江蘇按察使司按察使通恩江安督糧
道趙由坤江寧鹽巡道方昂蘇松督糧道安盛額
蘇松兵備道李廷敬江蘇常鎮道查淳江南河庫
道宣世濤江南淮揚道和騰額江南淮徐道述德
等謹以剛鬣柔毛辦香束帛之儀致祭於

皇清誥授光祿大夫晉贈公爵

太子太保兵部尚書兼都察院右都御史四川總督
管巡撫事一等宣勇伯之靈曰嗚呼公旦弼諧君
與載襄分猷宣力翼贊廟廊郊祔政事軼轍文章
篤惟

盛際有此殊祥珠鈴金鉉鳳羽雁行將相同枝臺閣
迴翔督師辰訥績懋龍驤佇聞歸馬星隕南荒通
駿我

公上庠毓胄累從解試聲實兼茂久次水曹游登
豸繡持斧出巡將漕式鞅剔釐宿弊以時陳

奏納約乎誠

恩承接晝由少司空節旄頻授皇華靡盬西域是究時
廓爾喀負險西陲既併巴勒擾我須彌大雪洋洋
六月出師濟隴阨塞一線萬躡烏斯歲遠熱索橋
敬實惟 文襄乘間出奇
公贊其晝飛輓以時以牛運粟孔迅不遲露布朝
馳星流夕至既第勲卮疊膺

褒異踐位尚書留鎮其地徐與更張旋為制置衛拉綏
重都綱偃燧熬茶合十

曼珠師利黃教宣經丹書奉記佛窟祛魔神兵掃彗爰
從三竺移靖百蠻耆闍淨界滴博雄關韋臯幕啟
嚴武令頌巴田訟息楚峒苗頑犬牙參錯蠶叢險
難逋逃是藪孽芽其間竹弓銅弩侵及秀山

公來會勦捷若刈菅惟是有苗悉率羣醜五溪寨
落後先挺走曰吳曰石酋豪稱首互為狼狽交相
臂肘阱獸釜魚稽誅日久

命公視師與

文襄耦褒鄂對營范韓連綬

公與文襄若左右手再接再厲一縱一橫落其

瓜距堙其塹阡孰尤桀黠以次削平文襄驟薨
公迺專征有嘉折首繫之長纓並驅兩狷如掇一
蝨昔為房杜共斷則行今為程李獨戰彌精遂復
乾州遂攻平隴代噶數輩就俘接踵既獲渠魁寧
令遺種此猶澆瑩咸俾化蛹乘勝深入鳥獸號恐
捧劍誓軍挾纊倍勇待覆鵬巢以築鯨豕柵鼓雷
礮笳吹路擁帷

公之伐有偉而傳帷

公之才有敏而處帷

公之志有耽而專深林密箐暑雨蠻烟晨坳露冕
宵陌雲韉積勞染瘴力疾揚鞭恐紆

宸顧伏枕封笈棄捐部曲乘化翩然遺疏上
聞震悼優卹酬庸勵蓋煥宣

綸綍翠羽三英綵翼萬佛始時告功

宮銜晉秩升以躬桓光於烏鞞黃帶懸鞞紫韉垂纈

內帑銀鐻

上尊芳苾

勅建專祠 文襄是匹

詔使北出

銘旒南來靈旗風馬掛紙傾壘鴿原延望悲深鼎

台蘇凌阿等或依葭葦或傍棘槐或聯班序或接

趨陪守官江介莫薦衷哀具辭申告潔芼芳醅

神其馨格引睇杓魁尚

饗

